



Vedtekter Ulvik barnehage

1. EIGARTILHØVE

Desse vedtektena gjeld for Ulvik herad sin barnehage.

Rådmannen, eller den han gjev fullmakt, har administrativt ansvar for barnehagetilbodet.

2. LOVVERK

Barnehagen skal drivast i samsvar med Lov om barnehagar, gjeldande forskrifter og retningslinjer, kommunale vedtak og plandokument for barnehage.

Formannskapet er klagenemnd for saker som vedkjem Lov om barnehagar.

3. FØREMÅL

Barnehagen skal være ei pedagogisk tilrettelagt verksemد.

Sjå Lov om barnehager § 1.

4. SAMARBEIDSUTVAL

Barnehagen skal ha eit samarbeidsutval, jf. § 4 i Lov om barnehagar og forskriftene.

Samarbeidsutvalet si samansetjing skal vera 2 representantar valde av foreldrerådet, 2 representantar valde av dei tilsette og inntil 2 representant vald av heradstyret. Barnehagestyrar er sekretær med møte-, tale-, og framleggsrett, men har ikkje stemmerett med mindre styraren er vald som utvalsmedlem. Samarbeidsutvalet er ansvarleg for drifta av barnehagen og skal i samarbeid med styrar sjå til at barnehagen vert driven i samsvar med lover, føresegner, vedtekter og kommunale vedtak.

5. FOREDLRERÅD

Barnehagen skal ha eit foreldreråd, jf. Lov om barnehagar § 4.

Foreldrerådet består av foreldrene/de føresatte til alle barna og skal fremme deres fellesinteresser og bidra til at samarbeidet mellom barnehagen og foreldregruppen skaper et godt barnehagemiljø.

6. OPPTAK I BARNEHAGEN

Opptak lov om barnehager §12 i tillegg har Ulvik herad følgjande retningslinjer:

1. Ved søknad om barnehageplass nyttar ein digitalt søknadsskjema som ein finn på heradet sine nettsider
2. Barnehageåret er frå 15.8 til 14.8 (justert til aktuell barnehage- og skuleruta)
3. Der er felles søknadsfrist for heile barnehageåret, søknadsfrist er 1.3.
4. Hovudopptak er 15.8 ,oppstart kan og være seinare jf §16 i Lov om barnehager og på søknadsskjema er det og mogelegheit for å velje oppstart 1.2 eller 1.4

5. Barnehagen gjev tilbod om heil eller halv plass.
6. Nedre aldersgrense for opptak i barnehagen er 9 månader.
7. Opptak av born vert gjort av barnehagestyrar ut frå gjeldande vedtekter. Ved ledig kapasitet kan barnehagestyrar dispensere frå omtalte fristar.
8. Ved opptak av born i avdelingane, skal det leggjast vekt på at barnegruppa skal fungera godt, og at det er balanse med omsyn til alder, kjønn og born med vanskar.
9. Tilflyttare som grunna jobb har rett på og behov for barnehageplass, har søknadsfrist på 1 månad.
10. Eige opplysningsskjema skal fyllast ut før barna tek til i barnehagen.
11. jf § 37, Lov om barnehagar: Heradet skal sikre at barn med nedsett funksjonsevne får eigna individuelt tilrettelagt barnehagetilbod. Heradet fattar vedtak om tilrettelegging av barnehagetilbodet til barn med nedsett funksjonsevne.

6.2 Sjukdom og fråvær

1. Fråvære skal meldast til barnehagen.
2. Barn som grunna sjukdom ikkje kan fylgja den vanlege/daglege rutine i barnehagen, må haldast heime.
3. Barnehagen har eigne retningslinjer som omhandlar sjuke barn i barnehagen.
4. Når sjukefråværet strekkjer seg over meir enn 1 veke, skal barnehagen ha melding om kva som feilar barnet.
5. Før eit barn tek til i barnehagen, skal det leggjast fram ei stadfesting om helsa til barnet. Har barnet møtt til ordinær kontroll på helsestasjon, kan slik stadfesting gjevast av foreldra/føresette til barnet, jf. § 50 i Lov om barnehagar.

7. OPPSEIING AV PLASS

- Når eit barn har fått tildelt plass i barnehage, beheld det plassen til barnet byrjar på skulen, eller til plassen vert sagt opp.
- Oppseiingstida er ein månad, rekna frå den 1. i kvar månad.
- Oppseiinga skal skje skriftleg, og foreldre/føresette må betala for plassen i oppseiingstida.
- Ved endring av opphaldstid, gjeld same regel.
- Ved vesentleg forsøming av betaling, kan barnet mista barnehageplassen.
Foreldra skal då ha skriftleg åtvaring/varsle om dette ein månad i førevegen.

8. OPNINGSTIDER

Barnehagen er ordinært open måndag til fredag kl 07.30 – 16.30.

Etter søknad, kan styrar i barnehagen seia ja til utvida opningstid når minst 2 born treng det samstundes.

Barnehagen er stengt mellom jul og nyttår, og 2 veker i juli månad.

Dei tilsette skal ha seks planleggingsdagar i året. Då er barnehagen stengt.
Dette er samordna med skulen i ei felles skule- og barnehagerute.

9. BEMANNING

Grunnbemanning

Bemanningen må være tilstrekkelig til at personalet kan drive ein tilfredsstillende pedagogisk verksemd.

Barnehagen skal minst ha én ansatt per tre barn når barna er under tre år og én ansatt per seks barn når barna er over tre år. Barn skal regnes for å være over tre år fra og med august det året de fyller tre år.

Pedagogisk bemanning

Jf § 1 i forskrift om pedagogisk bemanning, skal det vera minimum éin pedagogisk leiar per 14 barn når borna er over 3 år og éin pedagogisk leiar per 7 barn når borna er under tre år.

10. FORELDREBETALING

Betaling for opphold i barnehagen skjer forskotsvis kvar månad etter satsar vedtekne i heradsstyret, innafor maksimalgrense fastsett av Stortinget. Satsane kan verta endra i barnehageåret m.a. i samband med nytt budsjett.

Det er betalingsfri i juli månad.

10.1 Syskenmoderasjon

Det vert gjeve søskjenmoderasjon jf. Stortinget sitt vedtak om nasjonal minimumssats for syskenmoderasjon. Syskenmoderasjon er 30% for det andre barnet og 50% for det tredje barnet som har barnehageplass.

10.2 Måltid

Måltid og matlaging i barnehagen skal gi barna eit grunnlag for å utvikle matglede og sunne helsevanar.

Betaling for mat kjem i tillegg til foreldrebetaling

10.3 Foreldrebetaling ved sjukefråvære

Foreldrebetalinga kan bli redusert dersom barnet er borte frå barnehagen meir enn ein månad på grunn av sjukdom. Dette må dokumenterast av lege. Den første fråværsmånaden må betalast etter vanlege satsar.

10.4 Inntektsgradert foreldrebetaling

Det kan gjevast inntektsgradert foreldrebetaling etter søknad frå foreldre/føresette med låg betalingsevne. Moderasjonen vert rekna ut frå den type plass barnet har i barnehagen og aktuell pris på plassen.

Inntektsgradert foreldrebetaling trer i kraft månaden etter at søknaden med fullstendig dokumentasjon er motteken, og har ikkje tilbakeverkande kraft. Moderasjonen varer for barnehageåret, dersom det ikkje er endringar i grunnlaget for utrekninga.

Får hushaldninga endra sin økonomiske situasjon eller sivile status, pliktar ein å opplysa om dette.

11. FERIE

Barnet skal ha minst 4 veker ferie i løpet av barnehageåret.

12. ANDRE TILHØVE.

Dei tilsette i barnehagen og administrasjonen har teieplikt om alle personopplysingar dei i kraft av stilling eller ombod vert kjende med.

Desse vedtektene kan endrast av heradsstyret.

Søknadsfristar, søknadsskjema, vedtekter og opptaksreglar er å finna på heradet sine nettsider: www.ulvik.kommune.no